



Matheewo 8



Yi dahg nihn e kaahny anaa ke robo yi geen Kana ge yi piny Gaalili ni. Miih Jeacuu anudo thiwow yi rob kaahny gihn nu, Jeacuu maa jo waahdhe ge acuohn yi kaahny thiwow.



Naa abeehn koonge ne thumo e miih Jeacuu ake rubo yihr waahde kea, "Kuong giih gen athum." Maa arub men yihr yaa tiihj giih anaa acub piny ne pahng kuong kea, "Kwaad gihn rob waahda yihru, yugo ngo."



Maa arob Jeacuue ngo yih yaa tiihj giih ni kea, "Paahngu yihdh daahy ke piih." Maa apaahng gene daahy cang ne leb leb. Batiene e Jeacuu acahg rob yih gen kea, "Tuomu piih yi dag, ucubu gen yihr ukiihy duohng." Maa akaab gene piih ukahl gene gen yihr ukiihj.



3

Piih giih alog Jeacuue ne koongo amaadhe. Abea kaa abeehn koohng nu kii ngo, ngo akwihye. (Anahg yaa atuom piih, ge ne ngahy dhe yooohn kaa abeehn koonge kii ngo.)



4

Noono ubeehn ukiihje ucuohne ngad paajo urube yihr ngo kea, "Yihdh kahnye giih yug cang, wong koongo e ne kuong ke cubo yihr weehle umodho, batiene e koongo maa acoom ke cubo yihr gen. Abea mari wong koongo apoohd e kani kano uwahdh pinye wa gihn?"



5

Gihn ni e naa gihn me teeg mar umodho me gaahy nyoge maa ayug Jeacuue. Ngo ayuge Kana ge nii Gaalili. E naa kaa anyoadh Jeacuue kaa amoar Juoge wihe ne ngaa me duohng. Gihn nu e jo waahdhe ngo ayiih gene ne ngaa me dhiil gene kaa gaahno.




6

Naa abeehn gene paar ge Piihter, e Jeacuu keehd jo waahdhe, miih ciih Piihter ayuud gene e ngo tuu wod ke jwaahy.



7

Noono umag Jeacuue cinge beere ngo thiehdh thiehdho. Kaano e atwaany aguo aay ree kedea upiie ne goong ge Jeacuu.



8

Ke wong thiehno e cahng kwaar piny, nyoge me thoohdh me rog gen naa atwaanye maa yaa guohb gen ne atihb reje ge akahl bange. Nyoge me thoohdh giih beed geen nu rog gen acong gene dhe wod.



9

Maa athiehdh Jeacuu nyoge me rog gen naa atwaanye me thoohdh kedea urieme atihb reje oogo yi koohm nyoge mooge. Thiw atihb reje ge kuu ameehg Jeacuu rob bang gihn ngo ngahy gene kejea Jeacuu e naa Ngad Boadh nyoge.




10

Nyoge cang ge adaahd ngo ke gweelo, bang gihn teeg me thiehdh nyoge abeehn oogo rih Jeacuu.




11

Nyoge angween ge abeehno bang Jeacuu e ge bien dhaano maa abab piny.




12

Naa aniid gene ngo kejea ka me rom gene wahdh wod bang Jeacuu tooro, e ge ayedh maalo wiih wod maa athub gene ke ngaany ka me rom gene ngaan abab piny lwaay piny kii ngo nyum Jeacuu yi diehr wod.



13

Noono ulwaay gene ngo piny nyum Jeacuu ke belo.




14

Ge aniid Jeacuu kaa ayiih gene kii ngo, e akobe kobo yihr ngaan abab piny kea, "Waahda! Adhemuohme gihi ge awii piny yihri." "Ateeda yihri kaa yedh maalo ukaabi belo gihri ucii paaajo."




15

Kaano arumo e Jeacuu apaahr yih baabuur. Maa abeehn jo waahdhe thiow ke batiene yih baabuur ne kiiw ngo. Naa awahdh gene yi diehr naam duohng e deeh yam giir me teeg ree atihng tihngo upude baabuur ke olo. Abea ge acoohd deeh giire e Jeacuu wonge kaa anaa akwal niine.



16

Kaano e Jeacuu arubo yihr gen kea, "Gihn, e mag lwaahre wun? Wu ka beehda nyoge me yiho gihru thiin wa gihn ne!" Noono uyedhe maalo arumo ucuowe yamo cuowo, ucuung yame ne dihl. Utud jo waahdhe kedea ucwaahng gene maa arub gene ke rog gen e ge upeehyo kob gene, "Kwaad ngad gihn! Keehd yamo maa naam duohng lum ngo lihng gene lihngo!"



17

Juog yaa wiih piny ge anhyaare wa ka nhyaar wuro nyethene. E naa gihn abeehn Juoge uohre waahde wiih piny, beere kwaad ngaa yihi lum waahde ngo be dog thoo bang gihn boadh wahy me guge tooro ngo yoade yoado.

40

60 18

Roama 3:23

Bang gihn ge cang adhemuohme ayug gene kedea udaahng gene Paar Juog.

Roama 6:23

Kaano arumo, ngaa beehdo yi adhemuohm gihn yoade beehda thoo. Abea ngaa ayiiho meehg Juoge ke yoad kuowo me guge tooro ke dhe yoohn kaa anweehdu ke Ruohdho Jeacuu Kriihjto. Kuowo gihn ngo yoado ke bang muuny Juog ge cube yihro ke kar wiihe maa atage.

Judea 9:27

Keehd dhaano utaahngo e thoo beehn ree ke ne cielo cog batiene e caa nyum Juog yi lug.

19

Epicoj 2:8,9

Bang gihn muuny Juog e naa aboadh wun naa ayiihu, gihn moogo tooro maa aboadh wun. Padh gihn maa a'aay ke bangu e naa aboadh wun abea beehda muuny Juog cog en naa aboadh wun. Caahn e kea ngaa beel kejea yihre ne gihre maa ayuge ne boadh wahye.

Roama 10:9,10

Nea ngo arobi ke dhii kejea Jeacuu beehda Ruohdho kedea uyiihi ngo ke cwihnyi cang kejea ngo ameehg Juoge cahro naa athowe e boadh wahy yoadi yoado. Bang gihn, yihi e ne meehg dhaano doohng naa abiohgrwaal ke Juog kedea nea arob dhaane ke dhe kejea Jeacuu beehda Ruohdh uyiihe ngo e ne meehg dhaano yoad boadh wahy.

20

Joon 3:16,17

Juog yaa wiih piny ge anhyaare wa ka nhyaar wuro nyethene. E naa gihn abeehn Juoge uohre waahde wiih piny, beere kwaad ngaa yih lum waahde ngo be dog thoo bang gihn boadh wahy me guge tooro ngo yoade yoado. Juog waahde keá oohr wiih piny ne kihm nyoge ke gihn me raaj, abea ngo aohre beere nyoge boadhe boadho.

1 Joon 5:11-13

Cwihnyo be diiw ke nying gihn maa arob Juoge bang gihn kuowo me ne cohg acube yihro. Kuowo me yoad ke bang Waahd Juog. Noono arumo e ngaa anweehd ke Waahd Juog kuowo gihn nu ayoade. Abea ngaa kuu anweehd ke Waahd Juog, kuowo gihn nu tooro yihre. Giih ni ge agweeda ke yihru wu jo yiiho kejea Jeaclu beehda Waahd Juog. Ge agweeda yihru beere cwihnyu be diiw ke nying kuowo me ne cohg ge ne yihru.

21

Matheewo 8-9; Maarko 1-2, 4; Luka 4, 8; Joon 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Luwo NT (lwo) © 2003, Wycliffe Bible Translators Inc.
All rights reserved.

<https://live.bible.is/bible/LWOWBT/MAT/1>

©2026 Bible for Children, Inc.
www.M1914.org www.bibleforchildren.org

22